



6. maj 2011

Inatsisartut Suleriaasianni § 37 naapertorlugu matumuuna Naalakkersuisunut apeqquut imaaattoq saqqummiuppara:

1. **Naalakkersuisunit ilisimaneqarnerluni aalisarnermit aningaasat pilersinnejartartut iluanaarutaasa annertunerpaartaat sumut tuttarnersoq?**  
a. Apeqqu tip akissutaa ilisimaneqarpat piumasaraara nassuaatigineqassasoq
2. **Naalakkersuisunit aalisarnermit aningaasat pilersinnejartut kaaviaartinnejarneranni iluanaarutitaasa nunatsinnut nunattaluunniit avataanut tuttarnersut ilisimaneqanngippat, isumalioqatigiissitamik pilersitsinikkut aningaasat kaaviaartinnejartut pilugit misissuititsinissamik pilersitsinissaq tapersorsorneqarsinnaanerluni?**
3. **Isumalioqatigiissitamik pilersitsisoqassagaluarpat qanoq aningaasartuutit missingersuusiorlugit annertutigisut atorneqassagaluarpat?**

(Inatsisartuni ilaasortaq Karl Lyberth, Siumut)

**Tunngavilersuut:**

*[...] Kalaallit Nunaata Namminersortup aningaasarsiornermilu imminut napatittumik anguniagartup akiliisinnaassuseqarnermi oqimaaqatigiinnerup pitsanngorsarnissaannut periarfissaq, taa-malu nunamit nunamullu aningaasat ingerlaarnerat, massakkornit annertunerujussuarmik aallut-tariaqarpaa.”*

(Namminersorneq Pillugu Isumalioqatigiissitat isumaliutissiissutaat, marts 2003)

Ukiorpassuannngortuni apeqqusersorneqartuartarnikuuvvoq, sulilumi apeqqusersorneqarluni, Kalaallit Nunaanni inuiaqatigiit pisuussutitsinnik uumassusilinnik, pingaartumik kinguppaat qalerallillu eqqarsaatiglugit, aningaasatigut pissarsiaat pisarineqartartunut sanilliullugu naleqquttuunersut.

Nunatsinni aalisagartatsinnik atuinermi nunami namminermi aningaasalersuisoqartaraluartoq tamanna akiliisinnaassuseqarnerup oqimaaqatigiinnerani sinneqartoorutit sumut tuttarnersut annertunerusumik nassuaatissartaqanngilaq.

(Namminersorneq Pillugu Siumalioqatigiissitat isumaliutissiissutaat, marts 2003)

*“aalisakkat, qaleruallillu pingaartumik kinguppaat kisiisa avammut nioqqutigaavut.”* (KNR 5.maj.)

Apeqquaasorli tassaavoq nunatsinni inuiaqatigiit pisuussutinik taakkunaninngaanit naleqquttunik aningaasatigut pissarsisarnersut, imaluunniit annertunermik pissarsisinnasimangikkaluarnersut.

Qulaani eqqaaneqartut naapertorlugit apeqquteqaatikka tunngavilersorpakka, tassami aningaasar-passuit taaku kia iluanaarutigisimassavaat ileqqaarlugillu, aningaasallu isertitalluunniit suuppat?